

屢有聲名儒冠世守之家反被黜落不知營
業之子安分讀書無形顏色每見儒冠之後
自恃名族多有驕矜神明公取專激勵於輕
薄之流天道左旋用獎予於薄朴之士若能
自悟晦迹韜光望欲有成勞心苦志曲盡陰
功之事務存忠孝之心返乎上古薄朴之風
無流末劫偷薄之俗自然詩禮傳家科名復
舊謙和處已氣象如初天不負人人宜力學
凡為士者各宜戒之
老君降生之辰

玉帝御太極之殿修文郎顏公書

清河內傳 卷六

十五

梓潼帝君化書序

膳七

化有二理有變化之化有教化之化自無入
有自昔為今以幼壯為老死以老死為嬰稚
此變化之化也三綱五常是非邪正上以風
動其下下以獻替其上此教化之化也今吾
所降前後九十七化元命者序太始也流形
者本太質也生民者明性習也易俗者變夷
禮也稽古者覺後知也奉真者遵道法也寧
親者報劬勞也幽婚者戒苟合也嗣石者重
有子也馴雉者誠感通也回流者護先塋也
降瘟者顯錄驗也好生者習醫業也天官者
醫業成也薦賢者公道開也格非者和聖賢
也禁歸者知止足也敦宗者念本支也歸寂
者遇釋法也君山者喜幽清也感生者不能
忘情也奉先者思繼志也孝友者繼絕緒也
涵水者杜讒慝也白駒者冀留賢也舉讎者
忘私憾也恤孤者救友義也慈訓者傳內觀
也盡忠者堅臣節也棲真者屆雪山也山王
者始護蜀也刑賞者罰淫而舉孝也存養者
憫無辜也回風者罪狂夫也明寃者恤無告

也直邑者滋生齒也極溺者善賢侯也兩穀
者惡私心也曲兩者惠小民也碩賊者旌孝
婦也北郭者誨求嗣也返火者敗奸計也平
直者現陰佑也費丁者賤勇力也石牛者惡
好財也五婦者諫重色也顯靈者不忍罰之
亡也大丹者遇聖師也巴都者嫉賊汗也涿
梁者明天性也戒龍者和鄉祇也鳳山者尊
所生也魚腹者矜老苦也口業者彰惡報也
東郭者懲巧偽也牛山者分善惡也天威者
戒逆婦也尚義者貴同氣也旌隱者厚士風
也佑正者高烈女也殺生者遠庖廚也醉虐
者戒害物也憫世者念黎元也咸陽者奉帝
命也印池者報父母也解脫者謂寃不可成
也仁政者悟前非也幽明者戒欺暗也器惟
者質宿業也如意者大有為也丁未者兆命
佐聖也水滸者司天澤也桂籍者司文衡也
孝廉者濟太平也感時者悼王化也神扶者
顯八公山也誅暴者戒汙吏也明經者顯先
聖也護聖者顯大功也明威者戒士夫不欺
也濟順者奉帝保民也濟迷者懲不信也忠

顯者佐皇國也聖治者歌太平也標忠者濟時也興國者忠良也止足者辭王旨也訓逆者誅不孝也戒欺者正名也誅恃者勸孝也真元者拯難也拔苦者悼亡也福蘆者平風寬也昭明者見畢工也摩維洞天者顯後化也放生者戒殺魚子也弭蝗者拯救萬民苦也是故聖人神道設教始有天人相因人神共理之化要其所歸不過垂世立教之大端也

延祐三年春中書因太常定議根于自周歷晉之出沒原古迄今之事業錄于為忠國孝家益民正直祀典之神關于舊封神聖武孝德忠仁王崇褒為輔元開化文昌司祿宏仁帝君因子靈應廟額表曰佑文成化之祠徽號益彰汗顏愈熾每思所以裨益公道輔治皇元者其跡淺陋不足稱述聊以予所化之實自為一書以答綸音之萬一允以道業誨人者謂之教躬行於上風動于下謂之化風化之源在乎風化之主考其事之美惡則知化之所由淳朴既衰民心不古刑政極而

鬼神化焉蓋天下之民淪網毒法道于朝典者必受冥誅古今昭昭綿有常憲故官府治民神祇理世一也要在明教化示斯民遷善遠罪耳奈何幽明殊塗隱顯異軌齋跡既不

能相接雖有教化今典將何舉而示民哉此冥冥中理世尤為力之難也予素知此義故曲為神人交接之術與承職百靈共白于帝作飛鸞闡化之法筆降人間為幽明通貫之理仰蒙帝意仁愛下民允從奏議故予往歲已曾宣傳化跡其事雖若自侈此身作為之

實然化跡之傳亦顯教明法示人遷善遠罪之微意其於淑人心善風俗力挽頹波捨此則何以哉此者欽蒙上帝誕降嘉命賜以二十一司官屬明具所職俯臨下方一則俾贊襄天府生成之功一則俾密贊聖朝平治之

隆也疊承寵光罔敢逸墜孜孜弗逮于茲有年矧予化書九十七帙布在人間久矣濫觴于腐儒之手以魚為魯以根作銀玦玦混石玉者衆矣不訂炤以示人彼將曰好事者附會妄誕尚鬼神耳羣疑之中得負確端然之

士某等為吾及覆辨枝南北二本式質鬼神予命之曰此者南本則屏屏實多北本經予親校事實詳明斷自丁未化前更定并記桂籍化後剛改繁亂予又增及甦民化科舉化為九十有九姑虛其文以存後意俾正校者梓木傳行以示來哲庶無疑矣人之言曰聖

人神道設教九經並明日月博雅君子代不乏人典明教化猶不能家喻戶書何區區化書之忤能砥柱于中流耶嗚呼其亦不思而已矣化之所存道之所存也居官者覽予化

跡若是之嚴忠廉幹濟之心未必不凜凜也文人儒士觀是化之終始知赫赫之若臨未必不祇懼修省農工商賈雜業者流聞千百載之駭聞欺心者獲天誅口業者被神戮善有賞惡有罰未必不寒心竦毛遷善改過習

釋道者知劫運果報之昭昭未必不全其心而蹈其矩矣管頌夫廉懦夫立耳鄙夫之言曰予不語怪力亂神何怪神之多多此非時中之人斯不可語上也斯守白公之信也予之匡人于修齊治平之途非左道之術且斯

化也雖不能與天地立心與生民立命與後世開太平識者未必不知予心之輕重也若夫子之神在天下若日月之運于天子奪嗣祿職掌文衡天下小大事端靡不該括吁回風返火既行之于往雷勵風飛不能行之于今耶咨爾天民體予至意立仁義于詩書之圖策忠孝于廉讓之鄉共躋仁壽同樂太平幸也否則恭行天罰及悔何追予忝膺重寄恐負天子寵光故此為敘

吾先奉

玉帝敕授以如意飛鸞墨跡于天地之間也救末劫爰命梓潼君也今吾之九十余生之化故命于勿于堅重校勘此文今已周矣請命於吾親跋于後耶
九十余生闡化機扶生拔苦拯災危證果梵迦如來藏再出神文福他時吾老友也勿堅二生吾文已就重出斯寶如意持之萬里古語云千鍾馬金厥有名一朵雲生脚下登三天高臺入地去一枝消息隱春靈此中造化藏千里可否人生在此中二

生知機否
緣事將成信有時 人能弘道復何疑
不因百尺樓工畢 爭得多生事跡垂
與實任從譏銜耀 始終庶可見云為
從今又被人間世 傳出清河百詠詩

正一天師清微弟子 洪百堅 製作



道教學術資訊網站

梓潼帝君化書卷之一

元命第一

混沌初分濁與清 東南分野景鮮明
中含太一氤氳氣 吾已潛符造化精
獨占辰宮雙女上 兼司火德五行情
率然自默居荒落 脫蛻終期道果成
吾本吳會人生於周初迄今七十三化矣

流形第二

遁跡靈巖不記秋 目光開閉自剛柔
吞霞滿腹無飢渴 養息潛真任去留
數足轉形歸孕乳 時來隨分事主侯
會稽勝地堪揚化 張氏生身世屬周
予方遊人間忽至會稽之陰見一隱者年五十許具香燈仰天而祈時中春丙夜天文煥爛張翼二宿昭然在上俯而聽之隱者姓張適梓列宿于於是生焉

生民第三

北堂一夕夢吞珠 隱隱襟懷震肅初
厥月誕彌延教旦 靈光克滿耀蓬盧
策思不與羣兒戲 嗜學仍於百慮疎